



東華續錄

光緒一百六十五

臣朱彝鼎敬編

臣張毓英恭校

光緒二十七年辛丑春正月戊辰朔

慈禧端佑康頤昭豫莊誠壽恭欽獻崇熙皇太后御便殿上率

王公百官行禮畢御便殿受賀○己巳諭向來順天直隸各屬被災地畝於新正加恩分別蠲緩錢糧以恤民艱上年畿輔一帶地方不靖尚未查明具奏惟今春青黃不接之時民力更形拮据實深軫念著李鴻章卽飭藩司迅速查勘應如何酌量辦理之處分晰具奏候旨施恩用副履端布德嘉惠畿疆之至意

○奕劻李鴻章電致

行在軍機處頃據英薩使照會稱歸化城武官周尼思一案今得親眼目觀該員

被害細情之人供稱華歷本年六月十八日周尼思經中國兵隊由包頭送往歸化城該城兵隊將周尼

思帶至同知署復帶往道署鄭道文欽不肯保護周尼思投宿旅店次早復往道署請照未發鄭道赴綏

遠城見將軍永德遂派旗兵五百往歸化城鄭道回署周尼思再往道署鄭道坐堂列兵令其長跪詢何

國人所司何事答以游歷畫圖呈圖請閱鄭道令兵將周尼思捆縛或云周尼思手插入袋鄭道疑取手

鎗揮令下堂行至署外有人從背後推跌兵卽持刀向斫登時遇害該兵至客寓將從人四名押禁廳獄

二名旋餓死二名解回湖南原籍周尼思行李被搶書籍被焚九十冬月屢有公文偵請將軍巡道均謬不知等情查周尼思係本國大行君主欽命之員護照載明請各處官員照約保護該員因中國所允查考鐵路沿途各官皆照約相待不圖將軍巡道故悖成約安心謀殺將無辜游歷者無端狡謀陷罪慘殺斃命無論如何措辭毫無可原之處本大臣意見業已聲明合將所討抵償各情卽行指出四天之內應由八百里加緊驛站飛飭將該將軍承德立卽捕押監禁當於英武官周尼思被殺處所與旣已監禁之巡道鄭文欽一同斬決尙有討者該二員因何獲罪如何懲辦由軍機處發鈔所擬鈔稿於未發之前先行送與本大臣閱看等語前據奎順查覆鄭文欽將周尼思延至道署問話送至西轅門卽被拳匪殺斃委員原稟亦稱該道以拳匪釋責語屬難信其爲該道擅殺毫無疑義等語則鄭文欽擅殺無辜按諸中國律例亦應擬抵綏遠將軍承德派兵至五百名之多是否意在殺害英官雖無證據惟事前輕派兵隊事後又諉不知今英使有詞殊難折服況該使悍戾險狠迥異尋常當懲辦首禍大案未定適滋多口合將英使照會擬請以承德鄭文欽擬抵各情電請代奏伏候 宸斷施行 上諭軍機大臣等奕劻李鴻章東電悉前據奎順查覆署歸綏道鄭文欽戕害過境洋官周尼思屬實自應從嚴懲辦鄭文欽著卽行正法惟綏遠城將軍承德據奎順查無派兵之事論洋官一人亦何至派兵五百名之多究竟是何實情

自應確切查明再辦永德善先行革職聽候查辦該親王等卽就近傳旨令奎順復查實在情節如果永德實有縱令戕害洋員確據定行重懲俟定案明發諭旨時先行送與英使閱看再行發鈔卽著奕劻李鴻章照此辦法切告英使卽行電奏○庚午以何福堃爲甘肅布政使潘效蘇爲甘肅按察使○署福州將軍善聯卒賜卹如巡撫例○諭此案首禍諸臣昨已降旨分別嚴行懲辦茲據奕劻李鴻章電奏按照各國全權大臣照會尙須加重懇請酌奪等語除載勛已賜令自盡毓賢已飭卽行正法均各派員前往監視外載漪載瀾均定爲斬監候罪名惟念誼屬懿親特予加恩發往極邊新疆永遠監禁卽日派員押解起程剛毅情罪較重應定爲斬立決業經病故免其置議英年趙舒翹昨已定爲斬監候著卽賜令自盡派陝西巡撫岑春煊前往監視啟秀徐承煜各國指稱力庇拳匪專與洋人爲難昨已革職著奕劻李鴻章照會各國交回卽行正法派刑部堂官監視徐桐輕信拳匪貽誤大局李秉衡好爲高論固執釀禍均應定爲斬監候惟念臨難自盡業經革職撤銷卹典應免再議至禍首諸人所犯罪狀已於前旨內逐一明白聲敘矣○壬申電 諭奕劻李鴻章懲辦首禍一案業經按照照會辦結則和局亟應早定以便商令撤兵所有各條亦宜迅速妥商籌辦毋再宕延昨擬改諭旨二道不得已均照來電更正頒行惟必須將傳教一事定立妥章以免後患無窮官民交困儘可約同不傳教之俄日兩國及雖傳教素最和平

之美國公議教士不得再有欺陵平民干預詞訟等事向法德英三國會議安定約章永遠遵守總期日後民教相安若一味嚴束平民激成大變卽各國教士教民亦大有不利而中國之大員地方官不勝罪愆民情怨憤人才消沮何以爲國此次大亂亦實因教民平日欺侮良民積憤莫洩拳匪因而煽惑所致聞各國公使亦頗知此中情形務趁此商議條款之時一併妥籌商定平允專條以杜後患是爲至要○諭上年山西陝西被災甚重適直駐蹕差務較繁河南亦有偏災且係運道所經均不免藉資民力業經該撫等奏請分別蠲緩錢糧小民諒可不至失所惟念今春青黃不接之時民情恐形困苦著錫良岑春煊于蔭霖卽飭各該藩司迅速查勘應如何酌量撫恤之處分晰具奏候旨施恩用副朝廷陽和布聞嘉惠黎元之至意○先是奉天將軍增祺代遞黑龍江將軍壽山遺摺稱據藍翎五品頂戴黑龍江正白旗漢軍西丹慶恩呈稱竊生父前署黑龍江將軍世襲騎都尉壽山於本年八月初四日在任殉節當危急之際授有遺疏稿並片稿共三件命於出險後繕寫稟呈所在地方官懇請代奏現將靈柩浮厝於都爾伯特蒙旗界內因道路不通遲至於今始抵奉省將遺摺一件附片兩件呈請代遞前來伏查壽山由河南知府蒙 恩擢任黑龍江副都統旋奉 諭旨署理黑龍江將軍到任以來整頓旗務辦理邊防其任事勇敢久在 聖明洞鑒之中本年夏秋之間拳匪肇亂邊衅遽開其戰事始末具詳該前署將軍遺疏

無事再述惟其見危授命死事之慘烈尙無虧於大節謹將遺摺片代呈 御覽壽山奏北路官軍於七月十五十六等日自黑龍江城之頭站退守北大嶺並在嶺東戰勝西路官軍亦於七月初九以後自呼倫貝爾城之海拉依敏兩河岸退守雅克嶺均經先後奏陳在案其時卽以該各嶺間道歧出軍士積勞過久精銳傷亡地險兵單慮爲敵乘旋據北路署翼長恆玉電稟俄兵於七月二十一日又以大隊來攻我軍力戰卻之然旣退之後敵仍伏匿樹林似有詭計當囑該翼長嚴防穩守多派弁兵偵探勿得貪功進剿正飛飭間忽據營務處幫辦來鶴電稟俄於二十二日寅刻包抄過嶺勢不可當鎮邊新軍右路統領崇玉鎮邊新軍中路右營營官德春義勝軍右路右營營官端昌陣亡其餘傷亡甚多現退四站隨又據署翼長恆玉暨前敵諸文武陸續報同前情並稱各軍皆知此嶺爲通省緊要關鍵拚命抵敵前死後繼卒以衆寡懸絕致將我軍衝成數段現在收羅殘隊有一哨僅剩數人者零星歸併共不過湊足馬步兩營而敵兵逾嶺而南勢若建瓴頭頭是道墨爾根布特哈兩城官弁旗民又皆望風逃散勸之不止空無憑藉萬難駐足不得已復自四站退至布特哈屬訥默爾河南岸權爲憑河扼守之計各等語其雅克嶺一路自護理呼倫貝爾副都統全德統領保全吉祥等退守後俄兵亦卽跟蹤繼至該各統將銳意恢復逮於七月十六日商以保全所部鎮邊練軍步隊中路中前左右四營吉祥所部義勝左路中左馬

步兩營出鎮截戰，如才得信業已追止不及，據報初戰極利於十七十八十九等日，連獲勝仗，三次踏破俄營九座，壓追二百餘里，無如深入無繼，二十日黎明進至呼倫貝爾城不遠之小橋子黑山咀一帶，俄人援師大至，漫山遍野，全德保全分路抵禦，吉祥以其義勝左路馬步隊居後策應，戰至日昃，俄人四面包抄，愈裹愈厚，保全大呼陷陣，策馬於敵兵鎗礮密處死之所，部弁兵半隨戰歿，僅全德吉祥與鎮邊營官傅岐、標張毓芳等潰圍而出，自是雅克嶺僅有義勝左路五營，暨由省續發之義勝中路左右兩營防務，益形單薄。奴才方加切責文報，忽梗道路不通，蓋俄人已由雅克嶺內百餘里火燎溝口竄入，據我大兵之後矣。刻下分路哨探前路敵兵，業於八月初一二日抵省西庫庫爾科運河一帶，距省不過百餘里。北路敵兵前於七月念七日抵訥默爾河北岸，月初渡河南下，旦夕即當至省。此北路西路兩大嶺，墨爾根布特哈兩城相繼失陷，敵兵逼近省垣之實在情形也。查省防僅有制兵兩營，義勝中路中前後三營，其奉省撥助之仁字三營前一兩日始到而待衛連瑞在奉招募之義勝前路新營與夫奉省接濟之鎗礮本省自購之智利快鎗仍遠隔在數百里外也。夫新營未到不足惜，所最缺者鎗礮耳。本省前募義勝左右兩路均係以擡鎗來福鎗及各種土鎗搭配散發，餘即擡鎗土鎗亦無從搜給。故省城自有之隊名為五營，其實與無營同。則雖近日到有奉省仁字三營區區千數百人，亦奚濟乎？如是則戰難，然使山川

形勝有險可憑抑或衆志成城人心穩固則不能戰猶可守省城平原曠野面面受敵而事至今日士氣之沮喪羣情之渙散更無論已即使勉強抵禦亦無持久之方徒致殘害闔城生靈於大局終無益也如是則守難或曰將軍統轄全省不在齊齊哈爾一城之守不守也則不能守亦可退不知西路敵兵既至庫庫爾科運河等處幾盡江西之地而有之是江西不能退北路敵兵既至布特哈度必出兵莽鼐逕襲呼蘭該城南有哈爾濱綴其前北有莽鼐附其背危險略與省城同是呼蘭不能退至省南各站更無形勢足扼之地除非越境無可駐足然越境一步奴才無死所矣如是則退難適恭讀電鈔七月廿日 簡授全權大臣 諭旨知中外將戢干戈因派行營營務處程德全於七月廿七日前赴北路俄營告以朝廷業已遣使議和彼此應即停戰程德全辯論至再至八月初一日定議俄兵至省不開一鎗亦不得擅燒民房妄殘民命該俄帶兵官一一應允訖奴才隨即分飭北路翼長恆玉東路翼長慶祺一律停戰恆玉帶兵回省預備出境慶祺可守則守否則亦速出境該各翼長出境應紮何處稟候增祺長順請旨定奪然俄人意在截留鎗械屆時追索必急恆玉慶祺能否全師以出實難預定仁字三營仍令回奉由奉運來鎗礮諸物亦囑留之伯都訥奴才復於八月初三日將將軍印信送交副都統薩保護理並留程德全佐之以便主持和局奴才謹守軍覆則死之義一俟經手事件料理稍就當即畢命於斯惟近日

疊奉 寄諭深斥奴才不應妄開邊畔竊查六月初一日以後奴才之與增祺長順楊儒等電商者不知凡幾與伯力海蘭泡俄督撫哈爾濱俄監工電商者又不知凡幾皆約令彼不增兵我任保路卽至奉省開仗奴才猶切切言之惟中間有與長順會攻哈爾濱之約因見事機日逼謀爲先著之爭而來往電商撤兵保路仍如故也迨後六月十八黑龍江城開仗實由廓米薩爾先發難端在彼業已開鎗在我勢難束手此中曲折奴才所致增祺長順楊儒暨俄督撫監工等各電具在無難覆按然私衷所深痛者以皇太后 皇上加恩奴才之重倚畀奴才之殷奴才事前既不善彌縫事後又不能固守喪師失地至於此極雖萬死奚足蔽辜不能自贖於今生惟有圖報於來世而已抑奴才更有陳者事平之後如江省不能贖回則已如能贖回伏求 皇太后 皇上簡任英毅嚴斷任勞任怨之大臣來鎮是邦必如崇實之於奉天銘安之於吉林而後內政孔修外侮足禦省城暨呼蘭通肯兩副都統所治之城亟宜添設民官呼蘭綏化兩廳員缺亟宜改歸外補旗地蒙地均應招放民荒沿邊兩城尤須變通興墾至於調劑各城旗人之法均於招民開墾之時各撥司旗隨缺地並酌留旗屯孳生地有隨缺地官軍均不患貧有孳生地耕牧皆有所託否則若如通肯旗領民佃用意非不周密其實膏腴之地均爲在官諸人巧取貧丁仍無所得且務本之民以爲地非己有不願認佃其認佃者又皆別有希圖往往名爲旗產實非旗產輾轉

盜竄無所不至不獨實惠不能均沾墾務亦難收速效而下此者又或謂漢民日多有礙旗人生計山林日闢有妨牲丁貢貂以及旗地應設旗官不宜民官治理諸說皆徂於一偏之見不顧大局之言更卑卑不足論已總之江省之事非開荒無從下手開荒之舉非招民無從下手以七城之大土地之沃如果得人而理不出十年不難自立奉天吉林成效不難復見於將來即以此次軍務言之如使二十年前本省卽照奉吉辦法則今日者沿邊有民就地有餉防務不期固而自固鎗械軍火亦不饒而自饒何至處處窘手一蹶不振哉此奴才備歷之艱苦久蓄之心願雖在授命之際徬徨焉不能自默者也除將前後陣亡統領營官暨在事實在得力文武諸員另片懇恩外謹恭具遺疏奉聞伏乞皇太后皇上聖慈矜鑒再此摺係八月初三日夜間屬稿天明正擬敬繕據報俄兵昨晚至塔哈爾站此時已抵城外奴才謹卽恭設香案望闕叩辭伏地長號神魂飛越無任瞻戀哀迫之至又奏七月初一日東路江南

哈爾濱之戰鎮邊練軍右路左營營官吉林候補驍騎校保林陣亡七月二十日西路小橋子黑山咀等處之戰鎮邊練軍中路統領花翎二品銜候補協領吉林驍騎校壯勇巴圖魯保全陣亡七月二十二日北路大嶺之戰鎮邊新軍右路統領通肯正藍旗擬正佐領崇玉鎮邊新軍中路右營營官錦州中後營驍騎校德春義勝新軍右路右營營官黑龍江城官屯屯官瑞昌等陣亡以上五員以平日勞績論保全

最著崇玉等次之。以此次軍興勞績論保全崇玉並著保林等次之。而打仗奮勇視死如歸五人正如一也。且保全卽係保林胞弟一門伯仲相繼捐軀益深憫惻。又七月初十日黑龍江城失陷。該城水師四品官扎魯布世管佐領玉慶同時殉難。扎魯布係懷印以殉死後。猶手握其印牢不可解。玉慶向通俄語。城陷被執。罵不絕聲。死事尤爲慘烈。除瑞昌一員係屬通肯副都統東路翼長慶祺之子爲奴才姪孫不敢仰邀卹典外。其餘六員合無懇恩飭部從優議卹。並准附祀奴才前請立黑龍江城副都統鳳翔專祠以慰忠魂而昭觀感。又各軍各營陣亡之哨官哨長人數過多倉卒不能備錄。且有未據報者。擬並懇恩俟事平後飭由地方官詳細查明一體賜卹可否之處出自鴻慈逾格謹附片具陳。又奏江省之戰實由俄人先發難端。非在防文武貪功召釁也。戰事之失利實由江省兵械兩絀。亦非在防文武辦事不力也在防實在得力人員。奴才旣不忍沒其微勞。且奴才雖死負疚甚深。苟得一二繼起者。異日稍贖奴才之愆尤。奴才所深幸也。查有北路署翼長兼鎮邊新軍後路統領恆玉。樸誠忠勇。膽略冠時。奴才前已於請補省城鑲黃旗佐領摺內略陳梗概。除大嶺以前戰蹟不計外。大嶺失陷後所部不過馬步一二營。且皆傷殘之餘。幾難成列。該翼長且戰且退。步步爲營。未嘗稍失常度。議者皆謂其勇不可及。其穩尤不可及。此武員之可靠者。又總理營務處兼辦呼蘭稅局刑部主事世襲一等輕車都尉崇瀚。操守清

嚴任勞任怨呼蘭與哈爾濱隔江相望自七月初間會攻失利以後俄人多方以誤誣肆以疲該員與呼蘭副都統倅克金泰及東路翼長慶祺等安輯商民妥籌防務並勸城鄉辦理團練聯絡聲勢雖沿江風鶴屢警蘭城卒能巍然獨立支持至於今日者該員佐助之力爲多又行營營務處同知銜安徽候補知縣程德全膽識兼裕才氣無雙奴才前派恆玉接署北路翼長之時兼派該員赴軍襄贊行未兩日大嶺失陷該員時抵布特哈值訥默爾河盛漲河北阻有難民數萬人哭聲震野該員設法一一渡過南岸並勸各站趕挖濠溝爲守禦計尙未集事敵軍已至奴才旋即飭令親赴俄營約俄停戰俄人始則恫喝繼則羈縻終又欲以官爵羅致之該員以死自矢始終不屈俄人卒亦不敢逼至八月初一日俄帶兵官允許俄兵至省不開一鎗亦不燒民一房殘民一命皆該員所商定也此文員之可靠者以上三員伏懇

天恩俟事平後 飭令東三省將軍查明該各員所在地方送部引見破格錄用則奴才雖死之日猶生之年謹附片具陳至是 上諭軍機大臣等奉天將軍代遞壽山奏殉難各員請卹片著交部議卹所有原片及壽山遺摺並保恆玉等片均留存軍機處備查○癸酉奕劻李鴻章電致 行在軍機處現據兼理直隸藩司高驂麟密稟駐保德提督言現接廣昌華軍來函如德兵到彼必與接仗此言與戰書無異已調德兵前往如華軍不退卽令開礮等語此事變出意外特密稟聞等情查山西藩司升允現駐廣昌

所部先與法人互鬪傷彼數人法兵報復擊斃我軍二三十名正飭排解乃又與德人挑衅撻其意似在阻撓和局但事機至急升允又素不知兵萬一開衅必致禍延晉省有礙大局惟有請 旨嚴飭錫良升允將所部撤回晉境歛兵扼守不得無故生事致干重咎請代奏 上諭軍機大臣等奕劻李鴻章豪電悉廣昌華軍有函致駐保德提督與戰書無異似意在阻撓和局等語已電飭錫良升允將防營撤回晉疆扼守定明界限各不相犯免滋事端同日接錫良歌電據稱去臘初間洋兵退出浮圖峪仍不時往來德國副帥函致防軍各營云祇看長城不到廣昌嗣途中相遇亦接以禮並無決裂痕跡忽於初二早洋兵突分三路來撲廣昌萬本華婉爲勸阻彼竟鎗礮齊施傷我弁兵數百人不得已退守艾河初三日洋兵又撲安子嶺士卒民團死傷大半龍泉關守將等退至長城嶺各等語似係有意尋衅所稱致書德提督究竟有無其事現在首禍一條已照懲辦原期早定和局細議各條今又藉口進兵設我兵撤回山西界內防守險要全失洋兵仍復西進不已大局何堪設想著該親王等迅與各使婉商務令洋兵撤回勿再四出滋擾以保和局是爲至要○奕劻李鴻章電致 行在軍機處楊使卅電約稿十二款節去閒文電陳一俄主願表友好不念滿洲開衅之事允將滿洲全行交還中國吏治一切照舊二東省鐵路合同第六條准該公司設兵保路現因地方未靖該兵不敷須留兵一股至地方平靖及中國將本約末四款

辦到之日為止三如遇變急留駐之兵全力助中國軍壓四此次與俄攻擊華兵尤甚中國允於路工未竣及開行以前不設兵隊他日設兵與俄商定數目軍火禁入滿洲五中國爲保安地方計凡將軍大員辦事不合邦交經俄聲訴卽予革職滿洲內地可設馬步巡捕與俄商定數目軍械除礮供差不用他國六六照中國前允成議中國北境水陸師不用他國人訓練七爲保安地方計租地約第五款隙地由地方官就近另立專章並將專條第四款金州自治之權廢除八連界各處如滿蒙及新疆之塔爾巴哈臺伊犁喀什噶爾葉爾羌河闕于闐等處鐵路及他項利益非俄允許不得讓與他國或他國人非俄允許中國不得自行造路除牛莊外不得將地租與他國人九此次俄兵費各國賠款均應清還俄名下賠款數目期限抵押與各國會同辦理十被毀鐵路暨公司工師被劫產業又遲誤路工賠費均由中國與公司商賠十一上項賠款可與公司商定將全數或分出若干以他項利益作抵該利益可酌改舊合同或另讓利益十二照中國前允成議自幹路或支路向京造一路直達長城照現行路章辦理外部云現因看重貴國邦交貴大臣切屬經俄主戶兵部一再籌議凡可讓之處淘汰已盡所存者均不可少之款若尚未如貴國意實不知辦法等語細繹二款留兵名爲保路實注意求四款禁運滿洲軍火禁用外人練兵並及北省水陸師蒙滿新疆均有金礦礦路利益一網打盡又建入京支路鐵路賠款用他項利益抵償

蓋指關稅路礦等事隱而未露其侵我兵權利權以圖自便可謂周密深遠凡此均彼牢不可破之成見特乘此時藉此約要求而條訂之也惟據稱六款十二款我早允之禁我設兵指路成以前爲時尚暫禁運軍火係倣京約懲換大員不始今日內地彈壓本不須礮長城以北由俄經營英俄早有成約又較戶部口述之款刪去商放將軍派文武員稽察兩節又稍減明索權利之款罷派文武員尤免輕輟至增阿暫章之一二四五六七款暨繳軍械等事均未開列此卽彼所謂可讓者已盡讓玩彼語氣甚堅各款應如何分別允駁仰祈訓示機宜乞代奏又電奏楊使東電俄主覆書其文曰大俄國大皇帝敬問 大清國

大皇帝好貴國出使大臣呈遞賜書詞意甚摯實獲我心此次中國內亂俄辦理一切顧重邦交知已在洞鑒之中敝國會明白宣布俄辦東方事未變宗旨要不外保我鄰邦自主而已現承雅意申謝可見

大皇帝深明此意惟無稽謠傳有感 聰聽致謂滿洲之事改變初議深以爲異實大不然各統領所

奉訓條一如本國屢次聲明之語本國政府擬與貴國全權大臣商議者止欲尋二百餘年鄰好而愈加篤並不欲稍礙 大皇帝主權且急欲將滿洲全歸中國吏治一切悉照俄兵未據以前辦理惟詳細情節自應訂明俾中國官吏次第復舊免再滋變擾我邊疆凡茲情節此次均應訂明所有發給貴國全權大臣訓條務令所商之事易於成功俾於中國大有益之舉迅得施行是爲至盼中國經此事故恢復舊

規永保太平暨兩國歷久不渝之交誼益加堅固彌殷厚望惟 大皇帝鑒此心焉云 上諭軍機大臣等奕劻李鴻章奏二電悉俄約已允將滿洲全行交還中國吏治照舊第七款內將金州自治之權廢除顯係據我土地與全行交還之約相背八款內連界各處如滿蒙及新疆之塔爾巴哈臺伊犁喀什噶爾葉爾羌和闐等處礦路及他項利益非俄允許不得讓他國或他國人非俄允許中國不得自行造路除牛莊外不准將地租與他人尤侵我自主之權頃據劉坤一電稱日英兩國之意以中國此時與某一國定立條約不可允其獨享利益以及壤土之權必須與各國商辦方能保全等語李鴻章從前曾與俄訂密約中俄交際情形最爲熟悉近日該國復到國書情詞逾常肫懇聲明不侵我主權現在事機萬緊朝廷惟該大學士是賴楊儒雖派全權其約內極有關繫之處仍須先與俄使切實磋磨一面將劉坤一電稱各節悉心體察設專顧俄約而英德日各國援以相爭是以一俄而掣動各國後患將不可勝言著奕劻李鴻章設法統籌兼顧能將俄與各國各不相下之處銷融無跡斯爲妥善將此電諭知之○甲戌以方友升爲浙江衢州鎮總兵○調崇善爲綏遠城將軍○奕劻李鴻章電致 行在軍機處前致楊使勘電將日本英使議轉告請與俄酌商嗣德美奧先後來轉致其政府電均同鴻謂諸國何不徑與俄政府商辦彼謂此事應由中國作主復面商俄格使格云應置不理此我兩國之事與各國無干頃接楊

使冬電勘悉日外部言暨英政府電均以東事應歸公議其設謀用意甚深 諭旨飭斟酌妥籌仰見朝廷鄭重至意竊以照尊意所屬切商俄各部一節有不得不通籌熟計者當兩月前格使述政府意願將東事在俄分議彼時卻之甚易逮已派全權專商而約款未就欲圖緩議亦尚未晚故儒儉電亦有暫緩之議乃 國書已遞約稿已交俄主覆書且催早訂今我忽欲改圖恐彼非置不理卽嫌我猶豫不理則告猶不告猶豫則更加藐視倘一言不合竟罷交收在儒儉事之失小而關係全局實大再圖補救遲矣愚昧之見如 朝廷決意不欲另立約章應先請 旨收回全權之命並由儒與格使同時傳 旨告俄外部改歸北京公議一面請英日政府徑商俄政府俄不畏我尙畏公論我不便觸俄怒而英日尙不致畏俄俄亦不至遷怒於我況中日同洲英德有約旣云應歸公議據理折之振振有詞不爲越俎竊慮彼恐傷俄好不肯告俄聳我自言特預爲效尤地萬一俄因此決裂卽另立約章亦不商議歸地彼效尤者更爲得計大局尤不可問儒非惜一啟口之勞惟轉圜之計必須預籌謹候訓示遵辦請代奏云臣等查俄國書已覆約稿已交斷無收回全權之理格使雖云不理當已密告其政府可否仍令楊探詢各部口氣若何再與從容議約急脈緩受爲宜 上諭軍機大臣等奕劻李鴻章魚電悉又據劉坤一張之洞電稱各國之意均以東三省之約爲不然此事關繫重大非楊儒所能了結朝廷深思熟計急遽固非所